

四時病機



闡發濕溫卷之六

吳門邵登瀛步青輯

曾孫炳揚杏泉述

元孫

景康
景堯

謹校

濕溫治在足太陰不可發汗

脉經曰傷寒濕溫其人常傷於濕因而中暍濕熱相搏則發濕溫病若兩脛逆冷腹滿又胸頭目痛苦妄言治在足太陰不可發汗汗出必不能言耳聾不知痛所在身青面色變名曰重暍如此者死醫殺之也

濕溫卽暑與濕交合之溫病也素傷於濕因復傷暑兩邪相搏深入太陰以太陰主濕召暑而入其中也



南京中醫藥大學圖書館版權所有

兩脛逆冷腹滿濕得暑而彰其寒又胸頭目痛苦妄
言暑得濕而彰其熱此但當分解濕熱之邪而息其
焰豈可發汗令兩邪混合爲一耶汗出口不能言耳
不能聞心不知苦但身青面色變顯露於肌肉之外
耳喝病而至重喝又非實實虛虛之比直爲醫之所
殺矣

時令濕溫

喻嘉言曰夏月少陰君火繼以太陰濕土則出喝濕兩
症爲一大綱以喝病該濕溫天然不易也乃濕溫一大
症從古不言及是則夏月竟無着落矣詎知長夏之濕

氣春分後早已先動最能與溫氣相合而爲濕溫之症
濕溫至盛長幼相似則疫矣故濕溫該疫症亦包在內
又云六氣各行其政惟春分後秋分前少陰君火少陽
相火太陰濕土三氣合行其事是故天本熱也而益以
日之暑日本烈也而載以地之濕三氣交動時分時合
其分也風動於中勝濕解蒸不覺其苦其合也天之熱
氣下地之濕氣上人在氣交之中受其炎蒸無隙可避
口鼻受氣着於脾胃潮熱汗出稍涼少頃又熱病名濕
溫脉濡弱舌白嘔逆口乾不能湯飲胸次壅而滿或飲
以芳香而散或戰汗而解或入裏下之而解或內陷而

神昏不愈初起在氣分日久漸入血分當分別治之

葉天士曰夏季雨濕潮疹鬱勃穢濁之氣人在氣交中

口鼻觸受直走胃絡膜原分佈上下初病頭脹痞悶嘔

惡舌白病全在氣分爲裏中之表芳香逐穢淡滲逐濕

少佐辛解爲治宜達原飲防已茯苓湯之屬又云濕邪

鬱遏經脉身痛不可轉側變出目黃上視手肢發痠舌

苔白齒板燥皆邪深變症可與木防已湯栝蘤桂枝湯

大豆蘘散之屬

又云濕溫初在氣分日多不解漸入血分唇舌絳赤芩

連膏梔不應必用血藥佐以清氣藥一味足矣輕則用



犀角鮮生地連喬竹葉青蒿丹皮木通元參重者邪入
包絡昏閉必加至寶丹牛黃清心丸

又云熱久痞結瀉心湯選用

此言觸時令鬱蒸之氣爲濕溫與傷濕中暍之說不

同



闡發濕溫卷之六終



集補濕溫方論卷之七

吳門邵登瀛步青輯

曾孫炳揚杏泉述

元孫

景康
景堯

謹校

河間曰立夏之後至立秋處暑之間傷寒者身多微涼
微有自汗四肢沉重謂之濕溫又謂之濕淫宜蒼朮石
膏湯

蒼朮石膏湯

王晉三曰蒼朮石膏湯太陰陽明經降劑治濕淫者
經言濕上甚爲熱仲景云濕邪以寒戰而解則治濕
邪當以降爲治立夏後濕溫從三焦而傷肌以爲太



陰陽明所屬故四肢沉重身熱汗多不欲飲水治以
蒼朮石膏湯剛劑燥之又得石膏知母辛鹹降之以
甘草佐蒼朮知母佐石膏剛柔相配與白虎湯其義
各有微妙

濕溫脉沉弱濡緩濕流其經也病發一身盡疼轉側不
利或手足麻痺變出目黃上視手肢發瘧舌苔白齒板
燥此濕邪鬱伏經脉邪深變瘧也卽內經所云諸瘧強
直皆屬於濕者是也

選用諸方

木防己湯

治太陽經絡風濕壅痺及膀胱積熱身熱有汗身強
肢痛小便不利

栝蒌桂枝湯

治風濕混擾太陽經陽氣爲濕所滯不得宣通脉沉
遲身強凡凡

大豆蘗散

治十二經濕熱壅閉不通周身麻痺疼痛爲行經之
劑

天水散

治濕熱凝於脉絡及陽明經身熱煩渴太陽小便不

利三焦表裏濕熱

神香散

治寒濕凝滯脉絡三焦不利濕邪沉着胸悶腹膨痛

五苓散

治太陽留着之濕引而竭之所謂治濕不利小便非其治也

濕溫在膜原春夏雨濕潮蒸鬱勃穢濁之氣人在氣交中口鼻觸受直走胃絡膜原分佈上下初病舌白滑脉沉濡頭脹如蒙痞悶惡心身雖熱而凜凜口渴不能湯飲病全在氣分爲裏中之表芳香逐穢淡滲逐濕佐以

辛通爲治選用方

達原飲

治濕濁伏膜原外覺惡寒內微惡熱口渴不能飲胸

滿頭蒙舌白滑

太無神尤散

治濕氣蒸騰由鼻而入呼吸傳變邪正分爭陰勝則
憎寒陽勝則壯熱流於百節則一身盡痛

不換金正氣散

治正氣不和濕邪乘襲吐瀉脹滿胸膈不利此方芳

香以逐濕穢

蘭草湯

治濕熱結滯氣分芳香開結利水則三焦通而正氣和古人上已採蘭草以襲芳香之氣重滌穢也又治因於濕首如裹故名省頭草及治四肢麻痺亦通氣之效也

冷熱濕穢襍感太陰經受邪脾陽不運舌白脘悶脉沉伏脹痞水飲停蓄不行周身氣隧阻塞甚則肢冷汗泄經絡氣分俱閉治宜辛香溫脾宣氣逐濕選用方

蘇合香丸

治寒濕阻關竅能通十二經絡三百六十五竅內用

白朮健脾欲令諸香留頓於脾使脾轉輸各臟

冷香飲子

此方溫脾陽以運濕得脾氣行則三焦氣行濕無沉
着斯氣通病解

濕溫在膜原分佈上下留於胸膈舌上白苔胸膈熱甚
心中懊懣而煩發熱汗出不惡寒反惡熱此熱在胃口
之外屬陽明之表蓋陽明以心胸爲表也宜梔子豉湯
梔子豉湯

爲輕劑以吐上焦虛熱以除胃口之熱爲陽明解表
和裏之劑



邪離膜原脉轉洪長而數自汗熱不退渴欲飲水口舌乾燥者此邪氣適離膜原欲表未表白虎湯主之

白虎湯

泄陽明經熱治濕上甚爲熱以汗出如故而渴若濕熱劫傷津液胸中煩熱欲嘔者竹茹湯

竹茹湯

治陽明欲嘔口舌乾燥

熱久痞結心下滿而不痛瀉心湯選用按之心下痛小陷胸湯主之

黃連瀉心湯

開結導熱

小陷胸湯

泄熱散結

濕熱入陽明之腑下奔作利者葛根黃連黃芩湯

葛根芩連湯

治陽明裏熱下利

太陰濕熱當發身黃若小便自利不能發黃至七八日雖暴煩下利日十餘行必自止以脾家實腐穢當去故也又云至七八日大便鞭者爲陽明病也

此胃實脾實之分不出濕熱二字濕爲陰邪易於留滯



南京中醫藥大學
1954
南京中醫藥大學圖書館版權所有

熱爲陽邪直捷欲出如濕勝於熱雖小便利而濕不能盡泄又不發黃熱從何出必隨濕下流歸於大腸平日爲濕爲熱所停蓄腐穢之物無不隨之而去如熱勝於濕則小便利而濕去熱獨盛遂成胃實大便鞭之症也濕熱入胃蘊積成實而成可下之症舌乾焦黃譌語腹滿潮熱汗出者宜調胃承氣湯

調胃承氣湯

下胃中無形結熱

太陽陽明俱有發黃症但頭汗而身無汗則熱不外越小便不利則熱不下瀉故瘀熱在裏身必發黃或太陽